


Q. 25918

X 204 9311



CASPARIS ZIEGLERI  
IN OBITUM  
ADAMI CHRISTO.  
PHORI JACOBI,  
JCTI CLARISS.  
CONSIL. ELECT. SAX.  
THRENUUS.





**V**anta & viduæ, & liberis u-  
triusq; sexûs haud paucis, &  
toti deniqve laudatissimæ fa-  
milix per amissionem capitis sui, & la-  
crymarum & squaloris nata sit colluvi-  
es, nemo quisq; vanus est, qui non intelli-  
gat, quæ vive inter suos simile quid, in modo  
quantumvis impari, non sit expertus. E-  
go nunc meam ago causam, & quid aliis  
contigerit, seorsim atq; in sacrario inti-  
mo consideraturus, publicè ea, quæ me-  
um torquent & flectunt animum, ge-  
mens nunc ac moerens, totusqve mihi  
displicens & quasi extra me describo  
Nec tamen si non describerem, non con-  
sta.

staret unicuiq; , magnum mihi Amicum  
in hâc mortalitate per obitum JACOBI  
mei periisse. Ex quo innotuit alter alteri  
primùm, dexteras mox junximus, & Sol-  
duriorum lege vivere nos velle spo-  
pondimus invicem, animiq; inter se no-  
stri occultâ quâdam vi veluti fideris ali-  
cujus cognati conspirarunt. Ego admi-  
ratione quâdam virtutis, quam ille de se  
ostendebat, ille vicissim opinione quâ-  
dam, quam de meis moribus concepe-  
rat, me dilexit, sanctoqve hoc amicitiaë  
glutine coaluimus invicem, ad invidiam  
usqve indivulsi. Eramus uterq; morum  
antiquorum, quibus honestas omnium  
maximè promovetur, cum contentio-  
ne aliquâ studiosi, & blandiebamur no-

) ( 2

bis

bis, in hâc simplicitate nostrâ nos quan-  
doq; aliquid esse videri, & nostras quo-  
que sententias subinde rogari. Nec po-  
terat tamen semper & ubique æqualis  
utriusque esse fortuna. Ego enim scholæ  
addictus præcipuam operâ in enodan-  
dis juris civilis laqueis ponebam & eâ fi-  
ni in angustum locum, quem cathedra  
occupat, conferre me oportuit; ille ve-  
rò vastissimum spacium in omni pro-  
vincia nactus aditum sic præbuit omni-  
bus, ut non solum de jure civili ad eum,  
verum etiam de filiâ collocandâ, de fun-  
do emendo, de agro colendo, de testa-  
mento ordinando, de omni denique aut  
officio aut negotio, etiam à summis Vi-  
ris referretur. Nec quisquam tamen in-

ter

sid

s ) (

ter nos alteri succensuit unquam, aut in-  
vidiæ stimulos in se concitari passus fuit,  
sed doluimus in vicem sæpe numero, ille,  
me propter corporis infirmitatem quasi  
in vinculis detineri, quandoque etiam  
effrenatæ hominum procacium petu-  
lantia expositum esse: ego, eum ita labo-  
ribus obrui, ut viveret ad aliorum ple-  
rumque arbitrium, raro, nec nisi ex per-  
missione, ad suum. Nec in rebus tamen  
agendis ita disjuncti fuimus ab invicem,  
ut non identidem alter alterius senten-  
tiam exquireret, si quid in ancipiti ratio-  
num diversarum circumstantiâ dubium  
fuiſſet obortum. Oppidò jucundum mi-  
hi fuit in illius sinum effundere ea, quæ a-  
nimum disjecerunt sæpiusculè & in di-

) ( 3

ver-

versa distraxerunt. Ille mihi verè sacra  
fuit anchora, ad quam confugere solitus  
fui, quoties exulceratam mentem in tur-  
bido oportuit versari, & ille mihi semper  
maximum solatium, atque jucundissi-  
mum lenimentum præbuit, nec denega-  
vit, si quid amplius ab eo expectandum  
fuiſſet. Nec verò dubitavi ego unquam,  
quin ille, quippe aliquot añis minor, mi-  
hi superstes eſſet futurus, cui propterea  
curam rerum mearum post obitū com-  
mittere, animo destinavi. Nunc verò  
spes omnis, quantum in præſidiis huma-  
nis ponere mihi licuit, uno quasi mo-  
mento collapsa eſt. Certè nec senectus,  
nec morbus illum nobis ademit, sed ca-  
sus infelix, non tam quidem illi, quam  
stu-

studiis, quàm religioni, quàm patriæ,  
quàm Ecclesiæ. Tanta erat ejus pietas,  
tanta in consiliis prudentia, tanta in ju-  
vandis omnibus benignitas. Nunc illa  
coelestis anima pro bonâ semente, quam  
hîc fecit, messem apud Christum opimã  
metit. Ego verò semianimis hîc hæreo,  
adeò per obitum illius consternatus, ut  
vix erigi per quæliacunq; etiam maximè  
intricata avocamenta queam. Commo-  
ri juvabit, modo per Christi misericor-  
diam illic liceat ei convivere. Et quid e-  
nim aliud mihi nunc restat, nisi ut per a-  
cerbissimos corporis cruciatûs, quos  
quotidiè intensiores in me sentio, defi-  
ciam tandem & animam exhalẽ in hoc  
corporis ergastulo miserè prorsus &  
cum

Zc 43

cum indignatione habitantem ? Quod  
si per hanc viam salus mihi æterna para-  
ta fuerit, age, mi JESU, auge dolores,  
sed auge etiam patientiam, quam nisi tu  
dederis ipse, perditum omninò erit,  
quod à me proficisci poterit, robur.  
Doce me per ipsa vulnera tua, gravio-  
res longè fuisse cruciatûs, quos pro me  
sustinuisti. Et sic enim facilius pauco-  
rum dierum, qui vitæ meæ supersunt,  
molestiam devorabo, magisque tùm e-  
lucescet gaudii istius immensitas, quod  
ab innumerabilibus seculis nec mutari pote-  
rit unquam, nec ullo modo corrumpi. Inte-  
rim beatissima JACOBI mei anima fruire  
istâ tuâ felicitate, quâ gaudes, & Ziegleri tui  
animam, quandocunqve DEI misericor-  
dia eam evocaverit, ad Te reversu-  
ram expecta.

1007



Q. 250/18

CASPARIS ZIE  
IN OBITU  
ADAMI CHI  
PHORI JAC  
JCTI CLAR  
CONSIL. ELEC  
THRENU

